



9843


I

Mog. St. B.

P

Relatio (Brevis) ~~relatio~~ processionis a. d. 1622. 2.
8 maii Romae celebratae etc.

~~Hist. process.~~ 449



7

BREVIS RELATIO. PROCESSIONIS

ANNO DOMINI 1622. DIE 8. MAII,
ROMÆ CELEBRATÆ.

OB STIPENDAM BOHEMIÆ HÆRE-
ticorum, ac rebellium propè Pragam, Diuinitus
reportatam debellationem.

CVM IMAGO DEIPARÆ VIRGINIS
à Victoria dicta, in Ecclesia S. Pauli, Montis
Quirinalis Patrum Carmelitarum Discal-
ceatorum collocaretur.



Romæ Italica Imprensa de Superiorum venia eodem Anno.
Pofnaniae verò Latinitati donata Anno Domini 1624
POSNANIÆ. Sumptibus Joannis Wolrabi,

Admodum Reveren. Domino :

**D. VALENTINO
SCZAWINSKI,**

**Archidiacono vniouienfi. Ca-
nonico Culmenfi. Parocho
& Archipresbitero. To-
runenfi. S. R. M.
Secretario.**

Domino & Patrono Colendissimo;

Dedico

JOANNES WOLRAB
Typographus Posnani:

9843 I

Beneuola

BENEVOLO LECTORI.



LIQVOT ANNI SVNT AMICE

Lector, ex quo magna pars Christiani Orbis, nostris id peccatis exigentibus, quam horrendum sit incidere, in manus DEI viuens, magno suo cum dispendio experitur. Vix ut aliquod Regnum reperiās, quod non irati Numinis plagas sentiat: adeo quippe atrocitas & diuturna bella, fames, pestis, quæ multis in locis grassatur, inundationes aquarum insolitæ, ac plurima id genus, satis manifestè indicant, quàm acerbè nostris piaculis supernam contra nos irritauerimus Maiestatem. Verùm tamen Clementissimus Deus, qui cum iratus fuerit misericordiæ recordatur, hisce etiam calamitosissimis temporibus, nonnulla suæ benignitatis ergà Genus humanum, eaq̃ non vulgaria præbuit argumenta, quibus in ulteriorem spem eius Pietatis erigeremur, ne perpetuis atteriti ærumnis, animum penitus desponderemus, ut iure merito exclamare possimus, illud Psalmi 22. Virga tua, qua iustissimè nos feris? & baculus tuus, quo debilitatem nostram, ne collabatur, clementer fulcis, ipsa nos consolata sunt. Porro inter hæc supernæ munificentiae testimonia, non postremum locum habent duo hæc.

Primum est, mirabilis illa victoria, quam EXercitus Cæsareus Anno Domini, 1620. die 8. Nouembris ex Friderico, quondam Palatino Rheni, ac vniuersis Hæreticis & rebellibus Bohemiæ, apud

Pragam retulit, idq; media quadam Imagine Sacratissima Calorum
Reginæ, Deiparaq; Virginis, cuius proprium est, cunctas Hæreses
interimere in vniuerso mundo. Huius ergo sacre Imaginis inuentionem
in Praelio exhibitionem, victoriamq; eius beneficio calitus datam: sed
ipsam præsertim Translationem, ac honorificentissimam eiusdem, Ro-
mæ, depositionem, compendiosè hic tibi describimus, Amice Lector, ne
nouum hoc, antiquæ, Deiparæ Virginis, erga Catholicos Pietatis pi-
gnus, Poloniam nostram lateat; vt innumeris non solum pressa, sed pla-
nè oppressa calamitatibus, in spem celestis adiumenti, si illud submis-
se Virginis interuentu requirat, assurgat.

Alterum est Diuina Clementia, his postremis temporibus erga nos
argumentum, quòd hæc sterilia Ecclesiæ suæ tempora, nouo Martyrum
inclytorum sanguine, in Persidix Regno, irrigare & fecundare digna-
tus sit, vnde ingentem futuræ omnium bonorum vbertatis, fiduciam
tantis sub auspiciis concipere licebit.

Huius itaq; Martyrij inclytorum quinq; Christi Achleitarum bre-
uem tibi Historiam damus. Faxit Clementissimus Deus, vt tot Diui-
nis stimulari muneribus, vitam in melius commutantes maiora & cre-
briora in dies capiamus.



OSTEAQVAM ROMANORVM
Imperator, FERDINANDVS II. pro sua
eximia clementia, Hæreticorum ac Rebel-
lium Bohemiæ, iniquè à se auersos animos,
sibi conciliare, ac à cepto in Deum, sacraq;
omnia, impietatis, & in se contumaciæ, furore, multis ac
variis modis abducere conatus fuisset, nec quicquam beni-
gnitate profecisset; decreuit tandem Anno 1620. eorum
proteruiam, armis edomare ac reprimere. Quamobrem e-
xercitum suum Cæsareum, cui piæ memoriæ Comitem
Buquoium præfecerat, Bohemiam versus destinauit, quò
etiam alius, Ligæ Catholicæ nuncupatus, sub Auspiciis
Maximiliani Bawariæ Ducis tendebat, Dux Austriæ su-
periore subiugatâ, postquam copias suas, cum Cæsa reis
coniunxisset, iter Bohemiam versus, animo capiendi Pra-
gam, carpere cepit. In ipso præfati Ducis, ad bellum pro-
cinctu, peruenit in Bauariam, R. P. F. Dominicus à IESV
M A R I A, Carmelitarum Discalceatorū olim Præposi-
tus Generalis, quem, famâ Sanctitatis eius admirandę exci-
tatus, pluries sibi ob Spirituale solamen, à summo Pontifi-
ce, Dux transmitti petierat; ac tandē à Sanctissimo D.N.
Paulo Quinto piæ memoriæ impetrarat. Non mediocriter
Patris aduentu exhilaratus Dux, secum eum ad prædictam
contra Hæreticos expeditionem duxit. Cum autem 17.
Octobris Anni eiusdem, vniuersi Catholicorum exercitus,

Pilsnam (quæ est Bohemiæ ciuitas & valido Mansfeldij militum præsidio tenebatur) peruenissent, decreuit eam Bauariæ Dux, obsidione cingere, ac expugnare. Obsidio dum adornatur, ad villam quandam suburbanam Stenowicz dictam, cuiusdam Nobilis Bohemi Catholici, paulò ante ab Hæreticis penitus deuastatam, Dux hospitandi gratia deflexit; quo in loco R. P. F. Dominicus, inter plurima rudera ac ligna confracta, tabellam, vnius circiter ac dimidij palmi altitudinis, latitudinis verò vnius reperit, in qua depicta Saluatoris Natiuitas cernebatur: expressus erat Infantulus Dulcissimus IESVS, & Deipara Virgo illum adorans, à latere eius vno, Beatissimus Pater, S. Ioseph stans, ab altero verò duo Pastores, quibus omnibus sacris Iconibus, excepta mellitissimi pueri, summâ cum dexteritate Hæretici oculos eruerant, reliquâ tabellâ omninò intacta. Perculit non mediocriter Patrem, impietas ac barbaries tanta: quare Zelo honoris Diuini, ac eius mitissimæ Matris motus, ardentissime à Diuina Maiestate postulauit, vt Genitricis suæ iniuriam vindicare, eiusque Nomen per illam imaginem exaltare, ac contemptum illum, in summum decus, conuertere dignaretur. Oratione fusâ, inuictam quandam eius, à Deo admissæ, fiduciam concepit Pater, imaginem summa cum animi demissione asseruauit, ac deinceps secum deuotissimè gestauit. Prodiit ad Pragam Hæreticorum rebellium Exercitus obuiam nostro, quo Catholicarum copiarum Duces conspecto, cæterisque tum positionis loci, tum aliarum rerum incommodis prudenter spectatis, prælium in quo, de summa totius imperij agebatur, sed vel maximè Comes Buquoius, inire deincepsabant.

Qui-

Quibus cognitis R. P. F. Dominicus, militare consilium ingreditur, de belli euentu trepidantibus animum addit, victoriam pugnaturis Dei nomine pollicetur, ac dictam Dei-
paræ Virginis imaginem octaua Nouembris, vniuerso exercitui demonstrat, cuius aspectu mirum in modum excitati milites, ac quasi de Victoria certi (cernebant quippe sibi contra Dei, ac eius Virginæ Matris hostes, qui eius imaginem ignominiosè violarant, decertandum) acerrimè conflixerunt, ac miraculoso stupendoque prorsus modo, (vt & ipsi inimici inficias non eunt) victoriam (de qua alias) adepti sunt; Peraçto prælio captaq; Praga, vniuersi exercitus, sponte conuenerunt, gratias Deo, coram Virginis imagine, cui magna victoriam ex animo adscripsere relaturi.

Fama tantæ, per Virginis Imaginem partæ Victoriæ, vniuersum penitus Christianum Orbem peragrauit, ac plurimos ad singularem eiusdem imaginis venerationem excitauit. Vnde dum eam R. P. F. Dominicus, Romam secum deportaret, cuncti tam Germaniæ, quàm Italiæ, Dynastiæ, per quorum ditiones transiuit, obuiam illi prodierunt, summumque exhibentes honorem, pretiosa ei munera obtulerunt. Viennæ dum sacra imago Imperatori offerretur, eam humillime adorauit, ei que imperialem coronam totam ex auro purissimo confectâ, ac duplici inæstimabiliū gemmarum ambitu circumuolutam, nec non lapillis pretiosis conspersam, obtulit: Opus sanè incōparabile, quod decem Aureorum millibus æstimatur. Nec minor inclyti Bauariæ Ducis, erga sacram imaginem (vt poterant miraculi, quod per eam patratum fuit, oculati testis) pietas ac munificen-

tia fuit. Tabernaculum enim quoddam, altitudinis decem palmorum, argenteis statuis affabrè fufis, ac pretiofiffimis cortinis, aliisque æftimationem fugientibus, ornamentis, condecoratum, vt in eo imago collocaretur, donauit. Infans quoque Hispaniarum, Belgij Domina, aliquot facrarum Reliquiarum thecas, ingentibus & pretiofiffimis conſperſas adamantibus, & quod maius eſt ſacroſanctis Chriſti Domini & Sanctorum refertas Reliquiis, nec non Regium planè altaris ornamentum imagini, muneris loco tranſmiſit, Dux Mantuanus lampadem ex Cryſtallo (vulgo di roca) ingentem, quam aliquot aurei Seraphini torquibus itidem aureis ſuſtinent, dedit. Lotharingæ Dux, Magna Hetruriæ Ducifſa, nec non alij Italiæ, Hispaniæ, Galliarum: Germaniæ, & Belgij, Principes, varia dona (de quibus peculiaris liber ſuo tempore cudetur) ad Virginem in imagine ſua venerandam, ac gratias pro Hæreticorum debellatone exoluendas, deſtinarunt.

Postquam ergo Sacra imago, Romam fuiſſet perlata, R. P. F. Dominicus, totius ſui itineris ſtupendæque per imaginem cælitus conceſſæ victoriæ, ſeriem Sanctiſſimo Domino noſtro Gregorio XV. expoſuit, qui Imperatoriæ Maieſtatis, ac Sereniſſimi Bauariæ Ducis, nec non plurium aliorum Chriſtianorum Principum, precibus ac deſideriis flexus, vt R. P. Dominicus, nobiliſſimum ſacellum penes Eccleſiam S. Pauli in monte Quirinali (vbi Seminarium pro infidelium ac Hæreticorum miſſione P. P. Carmelitæ Diſcalceati habent) erigeret, ac in eo imaginem, quàm decentiſſimè, in tantæ victoriæ memoriâ ſempiternam collocaret permiſit.

Exstructo sacello Sanctissimus Dominus Noster, vtm-
iorem ei celebritatem conciliaret Indulgentiam plenariam
perpetuam, pro die 8. Nouembris, qui fuit victoriæ, nec
non pro 8. Maij, qui fuit translationis, ac per octo sequen-
tes dies largitus est.

Nec satis fuit tantorum Principum erga Sacram imagi-
nem pietati, prædicta eius indicia exhibuisse, nisi etiam au-
thoritate sua ac precibus apud Sanctissimum obtinuissent,
vt ad nouum sacellum, celeberrima, quàm Vrbs vnquam,
viderit, processione, Imago Sacratissima transportaretur.
Cum igitur Princeps Sabellus Orator Cæsareus, eiusdem
mandato, omnia quæ ad hanc solennem translationem ne-
cessaria videbantur, præparari fecisset, ipso mane Diuo Mi-
chaeli Archangelo, qui in Dominicum incidit, consecrato,
8. die Maij, Anni Domini 1622. delata fuit imago, ad S
Marię Maioris Basilicam, iam ante magnificentissimè adorna-
ta, & ante altare maius fuit collocata. Et quia verò præ-
dictæ Imaginis ornatus ac apparatus, est quasi ineffabilis,
malo illum sacro silentio honorare, quàm rem tantam pro
dignitate non explicantibus verbis temerare. In vno arcu-
um, qui Imagini testudinis instar imminebant, pende-
bat clavis aurea, quam simul cum vitta vnus ex intimis Fride-
rici, quondam Palatini Rheni Cubiculariis, in prælio ami-
sit: in suprema ornamenti Imaginis parte, visebatur pretio-
sissimum Reliquiarium aureum, Pyramidalis figuræ, plus
quam 50. Adamantibus respersum, in qua Sacratissimi si-
gni Crucis pars, in Crucis formâ, vna integra spina, de Sal-
uatoris Corona, nec non Panniculorum Infantię Domini
partes continebantur. Subtus erat tabernaculum argente-

um dualis figuræ, opus mirabile, gemmis corruscans, altitudinis 7. palmorum, cui imago Sanctissima; omnē æstimationem superantibus gemmis, cohonestata, inclusa erat. Imminebat exterius capiti Cæsareum donum, dicta Imperialis Corona, quam duo Angeli argentei, à Principe Sabellio Virgini consecrati fulciebant. Interius verò suprà Imaginem aureis literis exarata legebantur verba,

Terribilis ve Castrorum acies ordinata.

Circum circa miro artificio ac varietate disposita erant plurima aurea & argentea vasa, elegantissimis floribus onusta.

Hoc modo Imago Sanctissima mansit, à Mane dictæ dictæ, in Basilica Diuæ Mariæ Maioris, vsq; ad 21. horam, adhibita militum Heluetiorum custodia. Mirus fuit Illustrissimorum Cardinalium, Principum, ac innumerabilis omnis status ac conditionis populi, ad visendam ac venerandam sacram Imaginem concursus. 20. hora Sanctissimus Dominus Noster GREGORIUS XV. ob insignem quam erga prædictam præsefert Imaginem, venerationem & amorem, aliquot Illustrissimis Cardinalibus, nec non Principe Sabellio comitantibus, ad dictum S. Pauli Carmelitarum Discalceatorum Cænobium venit, chorumq; Ecclesiæ stupendo planè modo adornatæ ingressus Reuerendissimum P. Generalem Carmelitarum Discalceatorum. R. P. F. Dominicum, & alios omnes eiusdem Ordinis Religiosos, ad oscula pedum benignissimè admisit.

Ornatus Altaris, in quo Imago Sanctissima reponenda erat, fuit prorsus admirabilis, satis est dixisse, nunquam Romæ simile quid visum.

Rebus igitur omnibus ad Processionem præparatis, hora 21. ea est inchoata; Cuius ordo hic erit.

[Præ.

Præcedebant multi Tibicines cum tubis, & Tympanistæ cum Tympanis; Sequebantur ænea tympana in prælio ad Pragam capta, quæ à Tympanistis Vngaricè vestitis percutiebantur. Postmodum Scloppiac varij generis bombardæ, nec non frameæ & aliorum armorum partes, (quæ omnia in dicto prælio inimicis erepta sunt) in altis hastilibus trophæorum instar, longo agmine, à militibus splendè vestitis deferiebantur.

Sequebantur postea 46. vexilla, tam Pedestrium, quàm Equestrium copiarum, quæ erant pars in prælio captorum; quorum 25. ab Imperatore, donata erant Patri Fratri Dominico, 20. verò à Bauariæ Duce, vt ad perpetuum, tantæ victoriæ monumentum, coram præfata Imagine appenderentur. Quæ quidem vexilla hoc longo ordine deferiebantur.

Præibat primo loco, Vexillum omnium maximum Bauariæ Ducis, (vexillum inquam victoriosum) in hastili inaurato, quod in campo cæruleo, habebat depictam Beatissimæ Virginis Imaginem, dulcissimum Puerulum gestantis, quod totum auro erat mirificè elaboratum, habebatque Inscriptionem.

Terribilis vt Castrorum acies ordinata. Ex alia eius parte expressa erant Sacratissima Nomina IESVS MARIA, cum Inscriptione, *Da mihi virtutem contra hostes tuos.* Estque hoc illud ipsum vexillum quod prima vice explicatum *Groskirche* à P. Dominico fuit consecratum; Hoc vexillum sequebantur inimici.

Omnium primū erat ipsiusmet Friderici, quondā Comitæ Palatini, omnium Supremum, seu vt Poloni vocant, *Koronna Choragiew*. Habebat vexillum hoc campum album, stāmulis aureis respersum, cernebatur in eo brachium huma-

num ex nube protensum stateram in manu gestans, in cuius vna parte positus erat mundus totus, in alia verò Imperatoria Corona; Inscriptio. *In honore Requiem.*

Secundum vexillum erat candidum, magnis aureis flammis distinctum, cum rubeis ac cæruleis marginibus; inscriptionem habebat. *Virtute.*

Tertium erat Punicum, in cuius medio depicta erat Laureæ Corona, nec non quædam alia Corona, quibusdam cum floribus, in medio habebat vnum 1.

Quartum partim rubeum partim cæruleum; cernebatur in eo miles totus armis tectus, cuidam Furie in Campo viridi positæ, ac capillorum loco serpentes habenti, corquedeuoranti, & collotenus fune ligatæ, multas hinc inde flammâs spargenti, insidens, cum Inscriptione. *Iustum Dei iudicium.*

Quintum erat pretiosum, ac mirabili arte consarcinatum, campum habens croceum, in quo brachium humanum ex nube egrediens, omniaque bellica instrumenta manu complectens, spectabatur. Inscriptio. *Non sine causa.*

Ex alia vero parte, brachium armatum ex nube itidem protensum, manu gladium, in cuius summitate erat oculus, gestans; Inscriptio. *Non dormit, qui custodit nos.*

Sextum confectum erat ex tela aurea, videbaturque in eo auro & argento intexta sententia. *Etsi.*

Septimum habebat campum rubeum flammis argenteis discriminatum, Sententiam verò. *Post Nubila Phæbus.* Ex alia parte. *Vincit Constantia mentis.*

Octauum Croceum; in medio eius Crux exigua, in paruo cæruleo campo cernebatur. Sententia erat, *Si Prudentia non desit.* Ex alia parte. *Fortuna satit.*

Nonum nigrum, flammis & stellis argenteis confersum, Imaginem Dei, ex albo equo insidentis, cuius extremus pes parvæ nubeculæ innitebatur, continebat. Gestabat Deus in capite tres coronas aureas, tyaræ summi Pontificis instar, vestemque sanguine tinctam & gladium ex ore prodeuntem. Inscriptio. *Deus fortitudo mea.* Ex alia autem parte, videbatur Iustitia picta, bilancem manu gestans, cum hac sententia Germanica. *Ich liebe Gott und die gerechten.*

Decimum partim rubeum, partim candidum, margines graduum instar, habebat sententiam. *Cum gaudio incipio. Cum felicitate finio.*

Vndecimum Croceum, in quo videre erat anchoram, cæruleo globo affixam, Sententia. *Spe firmus.*

Duodecimum cæruleum, spectabatur in eius medio, leo erectus, coronatus, faucibus hiantibus, anterioribus pedibus cor, cum quinque rubeis radiis, gestans, Sententia verò supernè & infernè scripta. *Pro Conscientia & Patria libertate.*

Decimum tertium rubeum, ex cuius vna parte cernebatur Saluator Victoriosus, aureum gestans vexillum; alterâ manu eleuatâ, Sententia. *Confidite ego vici.* Ex alia verò parte. Leo argenteus, erectus, coronatus, Inscriptio. *Auxilium malisimi, fortitudo nostra.*

Decimum quartum confectum erat instar globi, in campo rubeo, ex fasciis cæruleis intertextis confectum erat. Sententia. *Contero.*

Decimum quintum ex fasciis candidis & croceis constabat, in cuius medio globus, seu sphaera rubea, in sphaeræ verò centro, scutum cum leone coronato cernebatur. Scuto

Imperialis corona eminebat, Sententia. *Honestum pro Patria mori.* Ex alia parte globus rubeus, in eius medio arx, in cuius porta stabat Angelus, auream crucem in capite, calicem verò in manibus gestans, superius sententiæ loco, erant Numeri. 1619.

Decimum Sextum ingens, peruetustum, totum sanguine respersum, habebat in campo albo globum croceum, margines verò viridas, & sententiam. *Deo prospiciente florebo.* In eodem vexillo cernebatur, Dæmon flauo colore depictus, instar belluæ horrendæ; Cætera vexilla non describuntur, eò quod propè conscissa & lacera erant, nihilque præter inimicum sanguinem in eis apparebat.

Hæc omnia vexilla gestabantur à militibus fasciatis, splendidissimè vestitis, iucundissimumque omnibus præbebant spectaculum.

Vexilla hæc sequebantur omnium Ordinum Religiosi, magno numero & pulcherrimo ordine, præcedentibus singulas Religiones, suis vexillis ac Crucibus.

Post quos ferebatur à sex patribus Carmelitis Discalceatis, Casulis albis indutis, pulcherrimum S. Teresiæ Virginis, dicti Ordinis Fundatricis vexillum; Sequebantur Canonici ac Prælati omnium Ecclesiarum Collegiatarum, ac Basilicarum Romanarum, cum suis magnis vexillis.

Ingens Cleri postmodum numerus; Post quos Prælati & Sacerdotes, splendentibus ac pretiosis induti casulis, insigni numero ibant.

Sequebantur eos ingens Nobilium virorum agmen, candidas faces cereas à Bauariæ duce dono datas, gestantium; A tergo illorum ibat Nobilitas Romana, ac eximium Nobilium Germanorum agmen.

Immediatè antè Imaginem Sacrosanctam præibant admirandi Musicæ chori, tam ex Capella Pontificia, quàm ex præcipuis vrbis totius conflati, qui variis ac dulcissimis concentibus Virginem Deiparam celebrabant; Veniebat tandem Inuietissima victrix, Imago scilicet Deiparæ, in, eloquentiam omnem superante, adornato thalamo, à 12. fortibus viris, candidatis vestibus indutis gestata, taliter tamen dispositis, vt thalamus à Canonicis, qui à foris illum fulciebant, gestari videretur, quamuis certatim Clerus ad gestandum hoc nobile pondus properaret.

Statim ac imago Deiparæ, præcipuas Diuæ Mariæ Maioris valuas egressa est, insigni tormentorum bellicorum explosione excepta fuit.

Imaginem comitabatur Illustrissimus D. Vitalis, Archiepiscopus Barenfis, Sanctissimi Domini Nostri Aulæ Præfectus, habitu Pontificio indutus; Quem sequebantur Illustrissimi Cardinales, bini & bini, candelas candidas gestantes, præcedentibus quodcunque par, eorum, Aulicis ac Nobilibus; Tandem innumerabilis hominum multitudo agmen claudebat. Iam verò viæ totius, per quam Processio transit, apparatus multiplices, ad deuotionem prouocantes, inuentiones, Musicæ Concentus, Fontes, Theatra, peculiarem & non exiguum librum requirerent; ac proinde vt pote compendij huius angustias excedentes, omittuntur.

Confestim ac imago Sanctissima, portis Ecclesiæ D. Pauli appropinquauit, obuiam illi processum fuit, à Patribus Carmelitis Discalceatis, faces candidas gestantibus, & tunc explosa fuit inagna bellicorum tormentorum vis, quæ in Ecclesiæ platea erant præparata. Cui extemplò Arx

S. Angeli, insigni temporis spatio, generali explosione respondit, tota vt Roma concuteretur ac iubilaret.

Statim ac Templo illata fuit Imago Sanctissima, Beatissimus Dominus Noster Gregorius XV. è choro egressus, obuam illi iuit, genibusque flexis eam est veneratus, ac insigni temporis interstitio, coram ea orauit. Interim concentu admirabili decantatus fuit Hymnus, *Te Deum laudamus*, addita in fine Oratione. Quibus peractis Sanctissimus palatium repetiit, & magno temporis spatio, varij Musicæ chori, certatim Virginis præconia celebrâtes, audiebantur.

Mansit imago in dicto thalamo portatili, ad diem usque proximum, quo fuit super Altare Maius, in stupendo illo tabernaculo, ad hunc finem à Bauariæ Duce donato, collocata. Sicque per 8. dies integros permansit. Vexilla sunt per Ecclesiam ordinatè appensa: Duodecima eiusdem Mensis die, venit Sanctissimus Dominus noster ad prædictum Monasterium, ac coram Imagine Sacrum celebravit. Quæ etiam miraculis iam coruscare incipit.

Hoc igitur pacto, exaltata fuit Deiparæ Virginis Imago, ab impiis Hæreticis contemptui adeò habita; Ad Laudem & Gloriam eiusdem Omnipotentis Dei, & ipsius Sacratissimæ Virginis, detestabiliumque Hæreticorum, si non conuersionem, saltem confusionem.

Sacratissimæ huius Imaginis effigies, quantum fieri potuit, ex Romano eoque perfecto Exemplari, Graphicè depicta, cernitur Posnaniæ in Ecclesia Beatissimi Ioseph, Deiparæ Virginis Sponsi, P.P. Carmelitarum

Discalceatorum, vt Polonia quoque nostra, aliquod habeat, tantæ victoriæ, cælitus à Deipara concessæ, monumentum.

COMPENDIOSA
NARRATIO MARTYRII
QVINQUE PERSARVM, NON ITA

PRIDEM, A PATRIBVS CARMELITIS DISCALCEATIS

qui Haspahani in Perside penes Persarum Regem morantur, Baptifatorum.

EXCERPTA EX LITTERIS, QVAS DICTO-

rum Patrum Superior his vltimis diebus ad suum Patrem Praepositum Generalem Romam scripsit.



ROMÆ Italicè de Superiorum, venia

impressa & nunc

POSNANIÆ Latinitati donata

Anno Domini 1623.

Non



NON ita pridem certiolem Vestram Reuerentiam Admodum Reuerende Pater noster, per litteras reddidi, tam de Missionis huius nostræ Persicæ, Regnorumq; adiacentium, in quibus etiam operarios industrios habemus, statu; quàm de fructibus, quos ex laboribus nostris colligimus, dum nonnullos Persas (quorum vt pote Mahometicæ sectæ hominum difficilis profectò est conuersio) sacro baptismatis fonte abluimus. Alios quotidie Christianæ fidei rudimentis imbuimus. Deo tamen Opt. Max. laus, nullo ex labore vberiolem messem percipimus, quàm ex Armenorum, Nestorianorum, Iacobitarum, aliarumq; nationum Christianarum, quarum his in regnis maximus est numerus, quiq; solo nomine Christiani sunt, instructione, & ad Catholicæ Ecclesiæ vnionem reductione.

Verùm id quòd non mediocriter huc vsq; nos angebat, fuit, missionem hanc nimium prosperis successibus gaudetem, nulla tribulationum vt optabamus & à Deo flagitabamus persecutionum, carcerum, effusionis sanguinis, quibus alias missiones diuina clementia solet foecundare, lucra produxisse.

Licet enim huc vsq; non defuerint, nec nunc etiam desint, variæ meritorum, quas Deo offerre possimus, occasiones, nihilominus Persarum Rex, quandam ergà nos beneuolentiam semper præsetulit, nec vnquam Christianæ Religionis ergò alicui palam negotium facefsiuit. Quamuis

enim

enim ad fidem CHRISTI deferendam, Armenorum aliquos adegerit, id non Religionis gratia, sed ob molestias sibi ab eis irrogatas, vel non persolutum debitum sibi æs, vel alia simili de causa fecisse, creditum fuit.

Sed cum diuinæ clementiæ proprium sit, iusta se timendum admittere vota, his vltimis diebus quod tam ardentem exoptabamus nobis concessit, experimentoque ipso agnoscere fecit, quam suaue sit, eius amore aduersa tolerare, carceres nempe, persecutiones, tormenta, ac ipsius vitæ ac sanguinis profusionem. Et quamuis vniuersa hæc, nobis ipsis haudquaquam obtigerint (quod tamen futurum quandoq; speramus) auspiciatissimè tamē quinque inclytis Martyribus (vt iam, iam V.R. intelliget) euenerunt, quorum sanguine missionem hanc irrigatam confidimus vberissimam, cunctæ Congregationi nostræ ac præsertim V.R. qui tantopere erga missionem hanc afficitur, acceptissimam, producturam. Inter alios Persas, quos hisce vltimis diebus per baptismatis lauacrum in hac Vrbe Regia Haspahan Christo adiunximus; fuerunt quinque, nempe Elias, Chassadir cognatus eius, Alexander, Ioseph, & Hebraïn. Elias aliquo temporis interuallo domi nostræ nobis inseruiens mansit, ipseque erat Vir illius Terefsiæ de qua V.R. iam perscripsi, quam post susceptum baptisma tanto Deus fidei nostræ ardore inflammavit, vt instar Apostolæ cuiusdam ubique Christi nomen promulgaret, & cum tandem ad natium solum, quod est Regni Schirai Prouincia quædam Regi Persarum subiecta, peruenisset, multos ad Christum conuertit, inter quos præfatum Chassadir, adeoque vniuersam illam Prouinciā sermonibus suis commouit, vt eius Præfectus seu Gubernator pluries di-

uerfos, & postremis his diebus proprium filium ad nostros Patres Haspahanum miserit, instantissimè petens, vt duo ex nostris Patribus, ad docendum eum veram IESV Christi fidem illuc destinarentur, quod tamen tunc ob operariorum defectum fieri minimè potuit, sed neque postmodum ob iustas causas; vnde rem hanc opportuniori tempore reservamus; Rex enim Persarum ea tempestate Lusitanis infensus, bellum contra Armusium (quæ est Hispaniarum Regis in Indiis orientalibus, insula parum à continenti Regi subiecto disita) moliebatur, quod & postmodum aggressus est. Sed iam ad novos Christianos redeamus. Hi postquam diuersis temporibus baptismo tincti ac aliquod hebdomadibus Christianæ Religionis doctrinâ imbuti fuissent, proprias domos repetierunt. At cum animaduiteremus Regem Christianis Francis (hoc modo ritus Latini Christiani, ob discrimen Armenorum aliorumque ritus Græci, in Perside nominantur) in dies infensio-rem reddi, vereri cæpimus, ne dicti tyrones aliquod fidei detrimentum subirent, existimauimus ergo magis è re eorum futurum, si Armusij donec regius fuor deferueret cōmorarentur, maiorem interea in Christiana religione profectum facturi.

Quamobrem Pater Frater Ioannes à S. Elisêo, qui multis annis Vicarij Generalis Carmelitarum Discalceatorum munere his in partibus functus est, ad nostros Patres qui Armusij sedem habent, nec non ad arcis & vrbis Præfectum litteras dedit, quibus significabat, se dictos Christianos illuc transmissurum, vt ibi tantisper moras traherent, quos & obnixè commendabat. Has litteras Helix, vt pote regionum illarum gnaro, cuique plus tanquam olim nostro domestico fidebat, Armusium deferendas dedit. | Ar-

Arripuit iter hoc magna cum animi alacritate. Sanctus Martyr Elias, quamuis plura sibi imminere pericula non ignoraret, eò quòd tota regio illa esset in armis, ac Armusium à Persis obsidione cingeretur; verum ardens desiderium, quo DEI seruus flagrabat, amore IESV CHRISTI patiendi, omnia hæc illi leuia, reddebat. viam ingressus, dum Patriam suam pertransit, Chassadir cognatum suum secum sumpsit. Agnitus fuit Elias à quodam Anglo (quorum nonnulli ob ferici commercium cum Rege initum, in Perside morantur) ac apud Chanum (quod lingua nostra ducem significat) qui regnum Schiras Persarum Regis nomine, Proregis instar administrabat, accusatus, quod vicinum Armusium à nobis missus peteret, cuius iussu extemplo fuit carceri mancipatus bonus Elias, cumq; eum vndiq; excussissent, litteras Patris penes eum repererunt, quibus Chan visis tormentis eum continuò subiici iussit, ac inquisiuit, quisnam esset? Francum se esse respondit Elias, imperatum ei fuit Francorum idiomate loqui, quòd cum ignoraret, aliquantum pudore suffusus Christianum se esse Francum dixit, quod apud Persas idem est, ac esse Christianum Catholicum Pontifici Summo morigerum. Inquisiuit postmodum à Chassadir Eliæ cognato quisnam esset, quòd, & ob quæ negotia tenderet, cognitumq; fuit eum Christianum esse, recens baptisatum, cognatum suum comitantem, nihilque aliud negotij præter dictarum epistolarum perlationem habentem.

Tunc Chan instar rabidi canis ira exarsit, ac odio, quo Christianos prosequabatur percitus, varios modos adhibuit, minas videlicet, suasiones, promissa, tormen-

ta demum, vt duos Christianæ fidei tyrones, ab eius veritate & cultu abductos, falsæ Mahometicæ sectæ restitueret, sed Clementissimus Deus (qui nunquam sui causa laborantes ac in se fiduciam reponentes deserit) tanta illos gratiæ suæ copia præuenit ac muniuit, vt minas, promissa, tormenta que tyranni prorsus flocci facerent, & inuicto animo palam se Christianos esse faterentur, diuinam insuper munificentiam erga se deprædicarent, quod eos è tenebris infidelitatis Mahometicæ erutos, cælesti fidei lumine collustrasset, vnde & solam IESV Christi fidem se agnosceret, ac in ea viuere & mori statuisse.

Quibus verbis ab Elia prolatis, mirum in modum excauit tyrannus, & confestim in mandatis dedit, vt in conspectum Armusij, quod inde octo dierum itinere distabat, ducerentur, ibique spectantibus Vrbi illius Christianis crudeli letho necerentur. In hoc octo dierum itinere, dici non potest, quantas Dei serui calamitates à crudelissimis illis gentilibus, qui eos fame, siti, vigiliis, contumeliis vexabant, sustinuerint, quibus non contenti, impia quadam importunitate adiunctis minis & blandimentis inæstimabilem fidei thesaurum illis subripere conabantur. Dei vero serui instar auri defæcati, in medio tot flammarum persecutionis constituti, indicibili animi magnitudine ac iucunditate cuncta sustinuerunt. Imensas Christo Domino suo referentes gratias, quod eius amore aliquid tolerare promeriti fuerint, ac per vniuersum iter, fidem quam in baptismo suscepant, liberrimè fatebantur.

Postquam in Armusij conspectum deuentum est, truculentissimi illi satellites, pelli a sino detractæ Eliam Martyrem insuerunt, ac stipiti seu palo infixerunt, quo in tor-

mento adeo atroci aliquot horis vixit S. Martyr laudans
 perpetuò ac benedicens Dominum, & meliori quo valebat
 modo IESV Christi fidem annuncians. Omnia hæc
 præsens spectabat Chassadir, qui non solum animum non
 despondit, sed cognati exemplo ac tormentis mirum in mo-
 dum roboratus, Christum perpetuò confitebatur, ac san-
 cta quadam indignatione eos, qui ad Mahomericam impi-
 etatem eum hortabantur, reiciebat. Quare stipiti alligato
 dissectus fuit venter. Hoc modo vitæ huic labili finem,
 imposuerunt duo Sancti Martyres, æternam eamque feli-
 cissimam auspicaturi, ministris crudelitatis nec non aliis
 gentilibus, qui spectaculo intererant, tanta fortitudine ani-
 mi que constantia stupefactis ac confusis. Hucusque re-
 scire non potui, quidnam de illorum corporibus actum fue-
 rit, divinæ tamen confido bonitati, tantum thesaurum inta-
 ctum conservandum.

Cognouerat Chan Schiranus ex duobus Sanctis Elia &
 Chassadir, qui nam essent illi tres noui Christiani, quos
 Pater se Armusium missurum scribebat, eorumque tam an-
 tiqua quam recenter in Baptismo imposita nomina, de qui-
 bus omnibus certiore fecit Persarum Regem, mittens ei e-
 tiam Patris Fratris Ioannis, quas S. Martyr Elias portabat,
 litteras. Rex his rebus compertis, (solum enim nouem,
 leucis ab Vrbe aberat) confestim tres superius dictos Chri-
 stianos, qui nec dum ex illis partibus recesserant, compre-
 hendi iussit, præterea Darogæ, id est Haspahani vrbis Præ-
 fecto, ac Campestrium Copiarum Duci imperat, vt nos do-
 mi nostræ includerent, quod ab illis statim factum fuit;
 Venerunt igitur ambo, ac sigillis cellulas nostras obsigna-
 runt, nosque omnes vnico cubiculo incluserunt, dicentes

Patri Fratri Ioanni si sibi æquum videbatur huiusmodi rebus ansam præbuisse: præsertim cum Rex tantopere illum semper & amauerit & coluerit, respondit Pater, se minime Persidem idcirco petiisse, ut honoribus ac fauoribus regiis frueretur, sed ut & ipsum Regem & regnum eius vniuersum Christo per fidem conciliaret, quibus auditis Vrbis & militiæ præfecti discesserunt, magno militum numero in cænobio ad custodiam relicto. Placuerat clementissimo Deo, licet iam esset ultra vigesimam diei horam, ut vnus Patrum ieiunus adhuc remaneret, qui Sacratissimam Eucharistiam quæ in templo asseruabatur, sumpsit.

Nocte illa, officij Diutini persolutionem, nec non alia nostra consueta exercitia spiritualia nobis inhibuerunt, custodes, eò quòd metuerent ne aliquibus superstitionibus vel præstigiis yteremur. nihilominus id quòd S. Daniel simili in euentu egisse legimus, fecimus. Poterit V.R. qualisnam noster status fuerit coniecere, domus enim tota plena erat ministris iustitiæ gentilibus, monasterij valusæ occlusæ, nullum amicorum compellare, & quid rerum ageretur rescire licebat; nos omnes vnico cubiculo inclusi, ad vitam CHRISTI causam exponendam comparabamus, id verò quod maxime nos angebat, erat, quod nouis CHRISTI tyronibus opem ferre minimè valebamus, quos extrema omnium rerum inopia laborare probè noueramus, & maxime quia deerat qui illos solari animumque in tali passu addere posset, quare & de eorum in fide constantia metuebamus. Cum igitur humana deessent præsidia, omnes nos, ad diuinum per orationem implorandum contulimus, petentes quam potuimus feuentissimè, illis

vt ipse **D E V S** animi robur ad susceptam fidem constanter tuendam impertiretur, ad quam rem facilius obtinendam nouorum Sanctorum Martyrum Eliæ & Chasfadir suffragia implorabamus.

Manſimus hoc modo inclusi triduo, qualibet nos die ad mortem **CHRISTI** causa fortiter oppetendam animantes, quilibet nostrum generali vt vocant confessione animi noxas expiauit, ac quibus, in huiusmodi angustiis, fieri potuit modis se ad moriendum præparabat, Prima die legimus Diui Ignatii Martyris vitam, Secunda Diui Laurentij. Tertia Sanctæ Catharinæ Virg. & Martyr.

Non possum pro rei meritò ac dignitate verbis exprimere consolationem, ac internum cordis iubilum, quem Patres percipiebant, vna hora mille illis anni videbatur, præ desiderio pro **CHRISTO** moriendi, optabant omnes atrocissima prius subire tormenta, multosque alios feruentissimos virtutum actus producebant. Verè tunc Reuerende Pater diuinæ gratiæ vim ac energiam experimento comperimus, ac quanta sit dulcissimi **D E I** fidelitas erga eos, quos medio Superiorum mandato periculis exponit, cognouimus, vt mihi oculis cernere viderer idipsum, quod in primæua Ecclesia huiusmodi in euentibus Deum operatum fuisse legimus. Secunda die nostræ inclusionis, misit Rex per Secretarium Gubernatoris Urbis, Patri Fratri Iohanni Epistolas, quas ipse ad Patrem Fratrem Baltasarem Religiosum nostrum ac Armusianæ Urbis Præfectum scripserat, Sanctoq; Martyri Eliæ deferendas dederat, nec non versiones earundem, quæ iubente Chan de Schiras

parum fideliter factæ fuerant, instat igitur Secretarius, an suas esse Epistolas illas agnosceret, & an e rei veritate fuissent traductæ, & ut ipsemet eas interpretetur, denique nomine Regis recensuit illi honores ac fauores, quibus eum Rex prosequutus fuerat, & rogo, quærens, an hoc modo grati animi vices illi refunderet, hacque ratione panem & saltem quem inuicem comederant illi gratificaretur? Hoc loquendi modo Persis familiaris vsus est, ad significandum, Patres nostros multoties ad cibum cum Rege sumendum, vocatos fuisse, quod præsertim in aduentu illustrium Orationum, vel Festorum dierum occasione fieri solet: tunc enim Rex cotinuium exhibet, ac Patrem Fratrem Ioannem, & nonnullos alios ex nostris Patribus semper inuitat, maximum illi honorem in huiusmodi occasionibus exhibens, sibi proximos mense assidere, ex eademque secum lance cibum capere faciens. Pater Frater Ioannes lecta versione Epistolarum suarum, reperit eam mendaciis refertissimam, quare eas fidelissimè est interpretatus, ac Nuncio Regio respondit, agnoscere se semper fauores & honores à sua Maiestate sibi impensos ac pro iis gratias agere, litteras præterea illas esse à se conscriptas, illosque quinque à se fuisse baptisatos. Cum autem Regis nomine vgeretur cur cos baptisasset, Respondit. Quamobrem Rex tot Christianos ad Christum abiurandum & Mahometo adhærendum compellit? Sicut sua Maiestas tueretur Mahomeri partes, ita ego tueor & promoueo partes Christi, vnde & quotquot voluerint Christo nomen dare, libentissimè illos baptisate sacro tingam, cum eam solum ob causam meis cum sociis in Persidem venerim.

Relatum fuit Regi Patris responsum, quod sibi vehem-

menter gratum fuisse ostendit, præsertim verò placuit ei
 interpretatio litterarum quas Pater Armusium miserat,
 magnopere quippè ab ea quam Schiranus Chan miserat,
 discrepabant, quam dubio procul aliquis Religioni Chri-
 stianæ infensus consarcinarat, deinde subiunxit Rex. Pa-
 ter rectè & rationabiliter loquitur. Eo tempore, quo Regi
 Patris responsum perlatum est, aderant ei ducenti ferè
 Mulhæ (sunt hi Doctores legis Mahometicæ) qui cum-
 tuantes ac furibundi Regem conuenerant, conquerentes
 Mahometi sectam pedetentim interire, nosq; iam ad quin-
 que millia Persarum baptisatorum ad Christianas diriones
 ablegasse, vt tantis malis remedium Rex adferret vocifera-
 bantur, variis modis contra nos Regem irritantes. Quos
 Rex, Patris responso accepto, indignabundus pluribus
 verbis asperis & contumeliosis proscidit ac inter cætera di-
 xit. Pater rectè & rationi conformiter loquitur, vos estis
 stercoriuori, recedite à conspectu meo, deinde ait. Iam de-
 cem & octo anni effluerunt, ex quo cum Patre nōtitiā
 contraxi & familiariter ago, ne semel quidem ab eo men-
 dacium audiui, neque aliquid vnquam à Patribus perpe-
 ram factum intellexi, sunt enim probi viri, quibus auditis,
 ignominia & pudore pleni Mulæ abierunt; tuncque patu-
 it, quantum Rex erga Patrem Fratrem Ioannem afficeretur.
 Ex quibus coniiicimus, ea quæ aduersus Christianos nunc
 molitur & præteritis temporibus molitus est, præsertim
 verò Subditos sibi Armenos variis modis vexando, & per-
 mittendo vt interdum eorum filij in seruitutem redigeren-
 tur, ac Christiana mysteria eiurare compellerentur, omnia
 inquam hæc propterea facta existimamus vt Mulis mo-
 rem gereret, ac sibi subdito populo ob alicuius rebellionis

metum rem gratam faceret. Nec metus videtur inanis, iam enim aliquoties, coniurationes validas, ad vitam sibi eripendam, & aliquem filiorum ad regnum sublimandum detexit, quā etiam ob causam ex tribus quos habebat filiis, duos iam e vita sustulit, & quidam existimant etiam tertium; crediturque filium primogeniti sui Regni heredem destinare, qui cum adhuc sit infans, nondum est Regni capax. Quamvis non inficer, Regem ad iram natura valde proclivem esse, quæ passio tristitiæ iuncta (quam ob tot rebelliones ac mortem propriis filiis illatā patitur) tantum incrementum in eo sumpsit, ut aliquando extra se rapi videatur, quo tempore crudelia & plane feralia decreta sancit, & promulgat.

Rebus hoc modo cum Patre actis, mandat Rex exhibere sibi tres Christianos monitu Chani Schirani, Haspahaniam captos, & cum iis sex Cathecumenos, qui sese ad sacrum baptismum parabant eadem occasione tentos. Quos cum venissent, ipsemet Rex interrogat Christiani ne essent an non. Responderunt tam sex Cathecumeni quam duo ex tribus iam Christianis, Iosephus nempe & Hebræus, se minimè Christianos esse. Alexander solus inuictum animum præferens serio se Christianum esse asseruit, cui Rex ut Christo nuncium remitteret ac Mahometo denuo adhereret mandat. Alexander summa cum libertate ac animi ardore dixit, se nunquam huiusmodi scelus admissurum, ut veram Iesu Christi fidem ob falsam Mahometi sectam, desereret, diuinæ se fidere clementiæ addidit Christianum se victurum ac mortem subiturum.

Excanduit ob adeo liberam ac intrepidam Alexandri vocem Rex plurimum, ut pote cui in more positum est, nullam non solum repugnantiam sed ne tergiversationē qui-

dem in mandatorum suorum adimplerione pati, inde iussit, ut ex templo lapidibus obrueretur Alexander, corpusq; igni cremaretur. Absq; mora Regij ministri sententiæ paruerunt, felicissimus autem Alexander Christum palam confitebatur, eiq; grates referebat, quod se dignum fecisset, ut pro suo amore vitam profunderet.

Non valuimus huc vsq;, alias huius tam illustris martyrij circumstantias exploratas habere, eò quod illud præter omnium spem, ac extra Urbem acciderit, sacras tamen Martyris reliquias ad Christianorum manus deuenisse, ac magno cum honore asseruari scimus.

Octo reliqui, duo nimirum Christiani, & sex Cathecumeni, qui vnà cum Sancto Martyre Alexandro Regi exhibiti fuerant, mandato eiusdem ad Patrem Fratrem Ioannem adducti sunt, ut quinam ex illis essent sacro baptismo initiati, indicaret, licet ut dictum est, cuncti se Christianos esse coram Rege pernegassent.

Perducti sunt ad nos catenis vincti secunda nostræ inclusionis die, prima circiter noctis hora, dū solitæ orationi mentali vacamus, euocatus fuit Pater ab Iustitiæ ministris, qui ab eo percunctati sunt, qui nam essent duo Christiani sacro fonte delibuti.

Pater visis captiuis, occasione utendum ratus, animum illis caput addere ac serio hortari, ut fidem qua eos imbuerat quamq; sibi Deus in sacro baptismo infuderat, & ipsi summa cum animi iucunditate susceperant palam confiterentur, addens nefas esse Christianis tali tempore & occasione Iesum Christum abnegare. postmodum à Rege missis (quem nihil horum latere probè norat) dixit, Iosephum & Hebrainum esse duos, à se baptismo initiatos.

Displicuit nonnihil vni duorum à Patre se fuisse propagatum, vnde & verbis quibusdam conqueri cepit, alter verò omnino tacuit.

Summo stupore digna visa sunt media, quibus dulcissimus Deus tunc vti voluit, ad opem duabus illis animabus ferendam, illas vt Martyrij laurea insigniret, siquidem ipsosmet iustitiæ ministros homines infideles, à quibus deducebantur permouit, vt illos ad mortem pro CHRISTI fide subeundam hortarentur.

Horum primus sic eos affatus est. Ne quæso mortem formideris, quandoquidem nulla nobis alia superest hæreditas, Christiani estis, in Christi fide moriamini. Alter ait. Mors est momentanea, post quam CHRISTO fruemini. Postremus subiunxit. CHRISTVS viuit nec Mahometis instar mortuus est, estote fortes animo ad quantum cælum ituri & cum CHRISTO permanfuri.

Postera luce summo mane, reduxerunt nobis iterum octo vinctos, & cum illis Lusitanum quendam Sebastianum Diezium à Rege in bello captum, qui Haspahani vinctus detinebatur, qua in remira DEI prouidentia enituit, plurimum enim (vt post patebit) militis huius præsentia, & ad diuinam gloriam & ad duorum Christianorum salutem contulit.

Prodij ad Monasterij ianuam, panem ad omnes reficiendos proferens, quem sex Cathecumeni repudiarunt, sed Iosephus & Hebræus læto nos vultu excipientes libenter acceperunt, ac Sebastiano etiam Diezio obtulerunt.

Accersiui postmodum alios Patres ac religiosos nostros, ob mutuum omnium solamen, & pluribus duos Christianos ad perseverantem IESV CHRISTI confessionem

sum adhortatus, ponens illis ob oculos inæstimabilem gratiam, quam à DEO consequerentur, dum per Martyrium finem vitæ imponebant, quam gratiam ut maximi facerent, monebam, præterea ut præ oculis haberent inuictum animi robur trium suorum sodalium, Eliæ, Chassadir, & Alexandri, quos ineffabili gloria cælesti iam frui assereram, quorum & suffragia nostrasq; qualescunque preces illis pollicebar, & præ omnibus IESV CHRISTI fauorem & adiumentum, ob quod tormenta non solum illis tolerabilia, sed & suauia ac iucunda futura essent promittebam.

His expletis, omnes illos multis cum lachrymis amplexati sumus, licet non sine pia quadam inuidia adeo felices fortis ipsorum, æstimantes nos tanta gratia minus dignos, tandemq; illis valediximus, qui à nobis læti ac quasi interior renouati abierunt, nobis mæstis relictis, ut pote martyrij quo priuabamur cupidissimis.

Contulimus nos ad Deum orandum, ut quoniam ut optaueramus & perieramus nobis permissum minime fuit illis adesse, & quam in huiusmodi euentu potuissemus opem adferre, ipse illis auxiliò esse dignaretur. Vices tamen nostras egregie egit Sebastianus Diazus, qui assiduus illos hortamentis stimulabat ad fortiter militem CHRISTI instar, pro eius Religione decertandum.

Duo dicti Christiani, & alij septem, Sebastianus nempe Diazus & sex Cathecumeni, ter circa vniuersam Haspahan urbem ducti sunt, postea Regi fuerunt oblati; in toto hoc itinere & coram ipso Rege tam Sebastianus Diazus, quam duo Tyrones Christiani, elata voce CHRISTVM confitebantur. Imperauit Rex ut Iosephus & Hebrainus

lapidibus obruerentur, corpora verò eorum ignibus traderentur, Sebastianus Diazus & sex Cathecumeni iterum carceri mancipantur.

Deinde publica præconis voce vniuersam per urbem promulgatum fuit, vt quicunque peculiari Machometo amore deuincti essent, certatim ad duos Christianos lapidibus necandos conuenirent, quicuius legem repudiauerant.

Statim ac ad locum martyrio destinatum peruentum fuit, Urbis Præfectus (qui à fide Christi ante Apostatauerat) ex equo defiliit, & vocatis Mulis omnem mouit lapidem, vt duos martyres ad colendum Mahometum induceret, solitas carnales ac temporarias rationes illis proponens, insuper non solum veniam à Rege pænæq; capitis remissionem, sed etiam grandia munera illis pollicebatur, quòd eò importunius fecit, quo magis non solum de Præfecti ac Mularum honore, sed etiam de ipsiusmet impij Mahometis æstimatione agi videbatur. Ad quæ intrepide ac constanter respondit Iosephus (qui primus coram Rege se Christianum esse negarat) nulla se ratione huiusmodi scelus patraturum, satis superq; esse, semel coram Rege dum se Christianum esse prima vice inficiatus est admissum, cuius rei vehementi cordis dolore se tangi affirmavit, interimerent illum vt illis liberet, Christianus quippè (inquit) sum, & spem fixam in meo Domino Iesu Christo, à quo tot iam munera accepi, habeo; illum mihi in tormentis & mortecius amore toleranda adfuturum. Confestim Mahometani & præsertim Mulæ arreptis saxis acriter illum cedere cæperunt, cum Sanctus Martyr lapidaretur ac pene iam conquassato capite iaceret, alta voce clamabat Benedictum sit Sanctissimum IESV nomen, vera est fides

eris & lex, impia verò & falsa Mahometis, in qua nemo salutem adipisci potest. Deus vobis (ait) ignoscat Fratres, ac sanctum suum lumen impertiatur; Affirmabatque, nullum se perferuisse dolorem.

Hebrain qui erat vltimus, morte Christi causa afficiendus, variis denuo modis ad Fidem Christianam deferendam, & Mahometanam sectam amplectendam vrgebatur. Respondit nequaquam se rem hanc facturum, verum se esse Christi veri Dei & veri hominis discipulum, ne amplius operam in suadenda sibi falsitate perderent, & coronam qua eius socij in cælis fruebantur retardarent. Dum stipiti alligaretur Martyr, dixit ministro iustitiæ, se illi ex animo ignoscere, atq; à Deo petere, ne ab eo rationem sui sanguinis exigeret.

Non potest verbis dignè explicari, quo furore Diaboli Ministri sanctum fauciarint Martyrem, cum præsertim, cernerent, nullum illorum, à proposito Christianæ fidei, sua opera resiliisse, quin potius summo dedecore ac ignominia ab omnibus se notari.

Statim ac Sancti Martyres animas in cælistriumphaturas miserunt, corpora eorum concremarunt, custodia sacris Reliquiis adhibita, quas nihilosecius omnino integras Christiani nacti sunt.

Displicuit non mediocriter Regiis ministris publica sententiæ Regiæ exequutio, nunquam enim Sanctos Martyres adeò fortes & inuictos in morte Christi causa subeunda autumabant, cum præsertim magnam, populi,

qui copiosissimus ad nunquam visum spectaculum confluxerat, commotionem animaduertent, quorum multipalam fatebantur fortiolem & efficaciolem esse Religionem Christianam, sua.

Dum Sancti Martyres extremo plectuntur supplicio, nos solitis cum custodibus inclusi, diuinam clementiam aspiduis fatigabamus precibus, vt per eos Sanctissimum suum nomen exaltari veller.

His actis Rex Kandam discessit, vbi eum vniuersus exercitus suus præstolabatur, antequam ab vrbe migraret, mandauit sex Cathecumenos liberos dimitti, iussit præterea, vt non solum nullam nobis exhiberent molestiam, sed vt honore etiam prosequerentur, pristinamque libertatem diuina in nostra Ecclesia celebrandi officia restituerent, præferens, ea quæ circa martyres ac nos acciderant, se inuito & quasi coacto euenisse. Sed quia negotium hoc ministris Regiis executioni mandandum commissum est, Rege longissime ab Vrbe proficiscente. Vnum Præfectorum in cænobio ad eius custodiam reliquerunt, ex Regis mente id esse asserentes, neque eum custodis vices agere, sed solum esse Maymondar id est Hospitum præfectum, Hanc ob causam minimè vt in more habebant, ad nos concurrunt Christiani. DEVS tamen Opt. Max. ex omnibus his multa & grandia commoda elicit, magnam siquidem nobis, hac persecutione plurium Persarum existimationem ac beneuolentiam conciliauimus, quinimo ipsimet custodes nostram propalant egestatem, dicuntque nos esse pauperes & bonos Christianos.

Sed nihil ita ad diuinam hac in parte clementiam celebrandam prouocat, quàm sensus & affectus quem vniuersa

sa Vrbs erga nos præsetulit (cùm præsertim omnes nos atrocibus è vita tormentis sublatos crederent) Nam cùm vice quadam post dictorum Sanctorum martyria per Urbem quasi animi gratia incederemus, certatim nobis applaudebant omnes, magnum exhibebant honorem & in DEI præconia prorumpebant. Et quamvis quasi inclusi à custodibus teneamur, Officia tamen diuina in Ecclesia frequentamus adhibito etiam Campanarum pulsu quas præstantes habemus, & licet magna rei numariæ penuria laboremus præteritis tamen diebus, ne quædam insignis quæ venalis prostrabat ad alios usus liquefacta, deseruiret eam comparaui, diuinæ confidens bonitati, nos aliquando ea in præcipua Urbis totius Mesquita (id est Mahometica Sinagoga) vsuros.

Remansimus vniuersalissimi ac spiritali quodam solamine repleti; Et maxime cùm aperte iam effectum intercessionis ac patrocinij quod Sancti quinque Martyres huius missionis gerunt delibemus. Vnde & copiosam animarum messem quandoque expectamus. Consanguinei Sanctorum martyrum, non vulgarem erga nos beneuolentiam præseferunt. Plurimi ex vrbe doctrina & nobilitate clari, salutatum nos mittunt, rogantes, eos vt excusatos habere velimus, quod ipsimet id officij genus coram, nobis exhibere non possint, ob adeò recentem rerum gestarum memoriam. Et nihilominus licet sic à custodibus coarctati simus, non defuit qui summo cùm suo periculo nos baptismum instantissimè petens accesserit.

Recesserant à Iesu Christi fide, & Mahometo licet inuito animo nomen in quadam alia persecutione dederant Armeni Christiani, quadraginta trium oppidorum Regi Per-

sarum subditorum incolæ, hi omnes quinque martyrum horum exemplo permoti, Christianos se esse ac pro Christo mori paratos protestati sunt. Quibus Rex auditis nihil omnino contra eos molitus est, quinimo in mandatis dedit, vt quilibet in ea lege in qua natus est viuât, & superius dictis Armenis libros sacros à Persis, dum eos ad Christianam fidem repudiandam compellerent, ablatos, restitui iussit. Cuncta hæc fructus profecto, ac felicia germina sunt mortis & suffragiorum quinque horum martyrum inclytorum.

Damus modò operam, vt hæc ipsa Sanctorum Martyrum acta, in forma vt aiunt authentica, opera Notarij publici adhibitis testibus plurimis, qui iis interfuerunt, imò & ipsis ministris Regiis, conficiantur & conscribantur, quæ Vestræ Reuerentiæ quamprimum vt iis Romæ vti possit transmittam.

De missionum harum operariis nil ampliùs dicam (ne Epistolæ modum excedam) nisi quod in his monasterijs & præsertim Haspahanensi, summa cum Regularis vitæ obseruantia viuunt, ac si domus hæc nouitiorum educationis essent destinatæ. Qui omnes pedibus Vestræ Reuerentiæ prouoluti, perunt Congregationis nostræ preces, & præsertim Vestræ Reuerentiæ cuius etiam sanctam benedictionem, in qua plurimum spei collocamus, poscimus.

Oramus quoque vt Missioni huic opem ferat, plures in dies operarios transmittendo, cum meis hæc etiam plurimis satis esse possit. Et velim credat mihi Vestra Reuerentia Admodum Reuerende Pater noster, quod interdum, vt sic dicam cor mihi præ commiseratione scinditur, dum confidero multos postulantes panem Sancti Euangelij, nec

posse nos omnibus ut cupimus ob nostrorum exiguum
 numerum facere satis. Zelus salutis animarum qui in Re-
 uerentia Vestra eximie splendet, silentium mihi iam impo-
 nit, non enim ambigo, quam exoptet missioni huic etiam
 sanguinis proprii effusione succurrere. Deus Reuerentiam
 Vestram nobis diutissime incolumem seruet, & tandem
 perenniter coronet, quemadmodum & nos filij eius
 minimi Suae Maiestati assidue supplica-
 mus, Datæ Haspahani vndecima die
 Aprilis, A. D. 1622.



mus, Dns Habsburgi vnde in die
 Aprilis A. D. 1622.
 unquam sua maiestate aliquid applica-
 per omnes coronas, quibusdam & nos filii eius
 et in nobis duntaxat in nobis foret, & tandem
 in his propriis libere licentia. Dns Habsburgi
 in honorem ambigo, quam exoptat missioni huius
 in honorem Vnde exoptat libere licentia in honore
 in honorem libere licentia. Dns Habsburgi
 in honorem libere licentia. Dns Habsburgi
 in honorem libere licentia. Dns Habsburgi



FF. 1. 6.



